

# 寶清縣志

齊耀斌題簽



册 一

建 職 興 沿


置 官 地 革

地430.93  
42.  
1-6

康德三年一月

寶清縣志

寶清縣公署發行



## 寶清縣志序

寶清瀕於松江下游土地之肥沃物產之豐饒實鮮倫比惟以設治未久庶政草創文獻遂不足徵誠爲憾事 耀斌當國基初建人民蕩析離居之日單車抵任承乏斯邦有不得不重軍事而忽民治急於撫字而緩於設施者也况彼時衙署焚如卷檔散失幾無可稽而縣志更無論矣夫一代之文物典章爲一代之政令條教所自出在昔郡縣圖籍上諸外史泊乎有漢爰改國史之例頒爲郡縣之書史冊具在縣志實爲濫觴今也國家旣已奠定秩序逐漸恢復向之爲匪者亦日遷於善賣刀買犢頗有熙熙皞皞之概富庶旣臻人文斯茂生聚教養之餘正徵文考獻之時况參事官平賀村部二公政治宏富熱心文化對於志書則尤力促其成若是則縣志之編纂又烏容緩乎顧江文通嘗言之修史之難無過於志誦陋如菟初曷敢率爾操觚以爲之哉然大輅椎輪作始必簡爰就經歷及採訪所得粗成是志全書爲六册凡二十三卷每卷爲一志曰沿革曰輿地曰建置曰職官曰團體曰典禮曰警團曰殖民曰財務曰金融曰禮俗曰交通曰實業曰物產曰教育曰田制曰宗教曰慈善曰衛生曰人物曰古蹟曰文藝曰拾遺其主要重在記實不求詞藻至於踵事增華日臻美備惟有望於後之來者是爲序

## 寶清縣志

序

一

康德二年九月二十日寶清縣縣長齊耀斌

## 寶清縣志序

天下無不難之事惟有志者成之耳吾嘗聞之矣修史之難無過於志又嘗聞之矣各縣修志需時動逾數年費歛動輒累萬而不成編纂縣志之難久矣昭昭耳目今寶清經費既較支絀文獻尤不足徵而欲遽編此志不更憂乎難哉乃縣長齊公熱心文化經之營之弗費一錢不日成之設非心精力果其成功之速烏能有如是耶後之官斯土者倘能以齊公之心爲心相繼增修力求美備垂爲一縣之文物典章則是志殆亦嚆矢也夫是爲序

康德二年十月二日寶清縣參事官平賀林次謹識

## 寶清縣志序

周制小史掌邦國之志外史掌四方之志志書之所昉由來舊矣惟寶清開闢未久對於文化恒不視爲先務當民國十七八年間地方甫見發達旋值事變兵燹之餘城廓成墟凋敝狀況幾至無法收拾大同二年春一月齊公作之來守斯邦旋值平賀村部二參事官先後蒞任和衷共濟頗極際會之盛則一切政治始復逐漸恢復而於文化之進行尤孳孳未已閒嘗語人曰寶清土質肥沃山明水秀將來鐵路告成文化溝通人文必將蔚起發展前途正未可量倘異日翰軒問俗長吏觀風則文獻無徵得毋使人文湮鬱也耶於是毅然創修縣志堅囑光爲總纂光自知譎陋奚敢當此猥以忝在總務科長任內責任所繫義不容辭有不得不免爲其難者惟是地當邊僻苦無徵引事出草創疏略難辭後之續者或將有諒於是志是爲序

康德二年十月一日寶清縣公署總務科長韓大光謹識

## 寶清縣志序

寶清於古無徵因瀕於寶清河遂以爲名焉三十年前其地半爲榛莽半成澤國猶屬一片洪荒後以民戶漸集乃始設縣開闢迄今僅二十載於茲耳遽欲編縣志有不若涉大海茫無涯際者鮮矣蓋修史之難無過於志而修志之難尤無過於寶清何也文獻不足徵也夫索綬春秋端資邊瀏而常璩國志半襲譙周從未有憂憂獨造而可與言縣志者况國權旣非博學又未多聞忝與協纂能弗濫竽滋慚爰是博訪碩彥兼採芻蕘凡有所聞必一一筆之於書徵其實以記其事耳文字之工拙非所計也是爲序

大滿洲國康德二年十月一日寶清縣公署內務局局長張國權謹識

## 寶清縣志序

縣志何爲而作也縣之天文地理非志無以明縣之典章制度非志無以考縣之習俗人情流風遺跡非志無以傳此縣志之作所以不容已者也寶清地處邊陲交通梗塞民五設治邇來二十年矣其間官斯土者對於縣志有其心者無其力有其力者無其心致一縣之志缺然迄今良可慨已伊通齊公耀斌自大同二年春奉命來長此邦適值建國伊始匪亂頻仍乃齊公與平賀村部二參事官和衷共濟擘畫周詳三年有成地方肅清黎庶其蘇慨然縣志之不作思旁搜而遠紹爰毅然負責監修委總務科韓科長大光爲總纂委郁文爲協纂分門別類應有儘有自秋徂冬聿觀厥成雖不敢當古作者之林而急就成章亦蔚然可觀矣郁文學同覆瓿數充濫竽謹撮其顛末而爲之序

康德二年十月一日寶清縣公署警務局長鄭郁文謹識

## 寶清縣志序

凡事守成易而創始難因其舊而增益之與當其新而創造之其力之勤惰未易侔而其成就之完備與否亦未易比並也縣志一書關於一縣之人物政治至爲重要故欲觀一縣之文野卽其縣志可知也寶清地居偏僻開發較晚何能與文獻足徵之縣分相提并論顧自齊公蒞任縣長以來勵精圖治其所以建設啟發之者汲汲焉不遺餘力而於文化一事猶孳孳未已乃有縣志之作同人等分司其事筆路藍縷爲事頗難委以職務所在敢不勉爲其難用是集銖累寸協輯是志以爲採風問俗者之一助至於采訪未周記載未備續斯志者或有見諒也歟是爲序

康德二年十月

日 寶清縣公署財務局局長范景崑謹識

# 寶清縣縣志

凡例

- 一、本志首記沿革已爲全志標明宗旨
- 一、寶清前代無郡邑可考引據殊難然其向歸某屬或見諸旁郡足資考證者概行徵引不敢從略
- 一、本志每立一志必有弁言叙明緣起及理由
- 一、本志序言及記事均頂格志及按語低一格目低二格分目低三格以清眉目
- 一、本志以志爲門以目爲類而目中尤有分目以明秩序
- 一、本志全書六册列目二十有三編纂簡略踵事增華仍待來者

## 寶清縣縣志

凡例

一

# 寶清縣縣志目錄

- 沿革志
- 沿革
- 輿地志
- 經緯
- 疆界
- 地勢
- 地質
- 氣候
- 晷刻
- 山嶽
- 河流
- 附縣圖
- 職官志
- 行政
- 司法
- 稅務
- 電報
- 郵政
- 軍事
- 建置志
- 城池
- 市鎮
- 鄉村
- 廨宇
- 監獄
- 祠宇
- 殖民志
- 種族
- 戶口
- 附戶口表
- 典禮志
- 皇帝萬壽
- 建國承認紀念
- 建國紀念
- 祀孔
- 祀關岳

## 寶清縣縣志

目錄

一

- 財務志
- 國稅
- 地方稅
- 地方歲入
- 地方歲出
- 交通志
- 道路
- 郵政
- 電報
- 電話
- 航空
- 橋梁
- 實業志
- 農業
- 商業
- 工業
- 林業
- 漁業
- 礦業
- 附表
- 警團志
- 警察
- 保甲
- 教育志
- 組織
- 基產
- 學校
- 社會教育
- 私塾
- 田制志
- 放荒
- 清丈
- 換照
- 商租
- 物產志
- 動物
- 植物
- 礦物

禮俗志

風俗 婚禮 喪禮 雜禮

金融志

幣制 貸款

團體志

農會 商會 教育會

宗教志

佛教 道教 回教 基督教

慈善志

收容 施粥

衛生志

衛生所 檢徽 種豆 防疫

人物志

孝節 忠義

# 寶清縣志

目錄

一一

古蹟志

古城 風景

藝文志

詩文

拾遺志

瑣聞 農諺 歌謠 俗語 土話

附錄



寶清縣長 齊 耀 斌

## 齊縣長政略

縣長齊耀斌吉林伊通縣附生也精於文學法律而尤富於政治經驗爲人正直和厚品粹識卓力果心精克膺艱詎當大同二年春蒞任之日正值變亂之餘城內商民逃散廬舍皆焚凋敝情形幾至不可收拾乃齊公悉心籌畫致力經營甫及一年而商民率皆復業興築房舍一千餘間頓復舊觀此成績之顯著也是年謝文東率其黨衆數千來寶意圖扇惑脅裹而齊公一面派人分頭勸諭人民勿爲所動一面潛行游說其黨羽勸令歸農安業結果不但寶清並未一人附和反將謝黨說散三百餘人此政治手腕敏活也收繳民槍與商租民地他縣輒起風潮寶清同時辦此二事安然無驚此運用之有方也地方變亂人民思盜雖屬良民亦欲一逞齊公屢次下鄉親自宣撫廣發佈告准許投誠自新仍一面厲行清鄉以圖恩威並濟卒之張海山等相率投誠繼其後者實繁有徒寶清治安鞏固至今者此耳此善於化民易俗也以上各端乃犖犖大者其善政可舉尙不止此茲述其經歷如左

- 一、清光緒二十九年春在長春應試經裴學院考取伊通縣附生
- 一、清光緒三十一年二月哈爾濱傅家甸辦事公所總理兼淨街處處長

## 寶清縣志

政略

- 一、清宣統元年吉林東北路賑濟專員
- 一、清宣統二年十月吉林全省硝磺局總辦
- 一、民國二年三月黑龍江省會警察廳衛生科科长
- 一、民國三年黑龍江省清丈第八局局长
- 一、民國五年龍江徵收局局长
- 一、民國六年調委肇州徵收局局长
- 一、民國九年調茂興徵收局局长
- 一、民國十一年北京賑務督辦署秘書
- 一、民國十一年於本年七月入北京大學法系本科專門肄業十五年六月畢業
- 一、民國十五年九月代理甘南縣知事
- 一、民國十六年二月充黑龍江省署參議兼軍署軍法課一等軍法正
- 一、民國十六年八月因成績優良保升簡任職任用祇領簡任狀訖
- 一、大同元年充吉林省勦匪總司令部參議旋充榆樹縣印花稅分處長仍兼前職
- 一、大同二年一月十五日充寶清縣清鄉局局长兼辦縣長一切事宜

一、大同二年四月三日充寶清縣縣長現供斯職

寶清縣縣志

政略



寶清縣叅事官平賀林次

## 平賀參事官政略

參事官平賀林次氣宇平心思深細馭下嚴而不厲待人忠而以誠以故頗得一般人心蒞任以來一切政治無不勇往邁進其最大者第一組織金融合作社確立地方資產而解決金融問題第二整頓地方收入三年度自收自支無庸中央補助解決縣的立場問題第三探險五道崗煤礦確係產量豐富煤質無烟現已著手計劃開採解決全縣燃料問題茲併述其經歷如左

- 一、大同元年六月吉林省雙城縣公署副參事官トシニノ赴任
- 一、大同元年十一月吉林省磐石縣副參事官トシニノ轉任



寶清縣副叅事官 村 部 和 義